

103年度臺中市語文競賽分區賽閩南語朗讀文章(國小學生組)

編號 1 號

【餛仔店】蔡櫻華

細漢的時陣，媽媽定定恁(tshuā)我去揣躡佇鹽埕埔的外公。外公開餛(kám)仔店，外口有掛一塊鴨綠色而且淡薄仔落漆的『菸酒專賣』圓形鐵牌仔。光映映(iànn)的店內啥物攏有咧賣，厝邊隔壁煮菜的時無鹽、無豆油，攏會叫厝--裡的囡仔走來買。餛仔店內底囡仔愛食的四秀仔嘛真濟：『橡皮糖』、『巧克力球』、含(kâm)仔糖、鹹酸甜、茶仔粉.....攏有。每擺外公問我：「阿華，欲食糖仔--無？」我攏會真歡喜大聲喝講：「好啊！」媽媽會共我擋，講彼是外公欲提來賣--的，外公總是笑講：「無要緊--啦！囡仔愛食就予伊食，無差彼幾箍銀--啦！」這個時陣媽媽就會佇邊--仔惹惹唸講外公傷倖(sing)孫仔，外公只是笑笑摸我的頭。我因為有糖仔通食，感覺真滿足，心內嘛希望家己大漢的時陣會使佻外公全款開一間餛仔店，予我的孫仔有糖仔通食。

彼个時陣餛仔店真時行，干焦外公厝附近就有兩三間，我佻小弟、阿芬猶有潘--的攏會走去外公厝後彼條巷仔的餛仔店買『養樂多冰』，熱天食真正是透心涼，予人心花開。嘛會行到鹽埕國小閣過--去的巷仔內的餛仔店抽獎，若是提著『集字獎』，全款的字總是鬥袂峇(bā)，一直

鬥袂著『美』、『少』、『女』、『戰』、『士』抑是『閃』、『電』、『霹』、『靄』、『車』。每擺對外公遐烏西--來的銀角仔，總是投資佇彼註死永遠祛袂著的第五字。

我嘛真俗意去阮兜後壁巷仔內底彼間餛仔店。有時共頭家娘講我欲十粒糖仔，伊就會對櫥仔頂提紅蓋的桶仔落--來，蓋拍--開，對內底提糖仔，一粒一粒囡佇我充滿期待的手內，我心肝內嘛綴咧算，一粒、兩粒.....佇我的手內疊一粒細粒山，然後我就足歡喜共糖仔囡入去褲袋仔內底，擲(jîm)十箍予頭家娘。餛仔店外口有一台大冰箱，內底有真濟枝仔冰，我佻小弟躡(neh/nih)跤尾，共頭直欲栽入去冰箱內揀想欲食的冰。嗯(ng)！梅仔--的看--起來真好食，啊毋過芋仔嘛袂標--呢！「正陽，你買梅仔我買芋仔，按呢就攏食會著--矣！」做姊姊的我就按呢壓霸替小弟決定，然後那行那食轉去厝。

103年度臺中市語文競賽分區賽閩南語朗讀文章(國小學生組)

編號 2 號

【水溝仔佻金寶螺】許珮旻(Puē-bîn)

細漢的時陣，阮定定會去田岸邊的水溝仔底掠蠅梅仔(am-muî-á)。會記得，彼時的水溝仔無炭蓋，水仔清清，今仔(tann-á/tánn)對一區一區的『phòng-phuh仔』流--出來，蠅梅仔掠袂完，水雞仔嘛蹠(phùt)蹠跳。掠掠--咧、耍耍--咧，時間到--矣，蠅梅仔、水雞仔閣共伊放--轉去，規陣囡仔相招來轉。

蠅梅仔罔掠，總是看著水溝仔的壁堵頂黏著真濟粉紅仔色的物：一粒一粒，規掙規掙，閣袂輸若桑材(sng-tsâi)--咧！但是細漢的我實在嘛毋捌桑材生啥形，看著伊是粉紅仔色--的，就認伊做『草莓』。

印象上深--的有一擺，我一个人走去一條大水溝遐迤迤。彼條水溝對細漢的我來講蓋大條—凡勢比我人較懸—無水，塗焦焦，水溝仔壁是石仔鞏(khōng)--的，嘛有大粒石頭排齊齊，嘍(phok)出來佇石仔面頂。上重要的是，壁堵頂有真濟『草莓』。

『草莓』這號物，對阮庄跤囡仔是真罕見，感覺就是貴參參的果子，平常時真罕得食會著。進前掠蠅梅仔的時，想講彼『草莓』可能因為生

佇壁堵，塗潯(kō)甲垃圾垃圾，才無人愛食，無人欲食我嘛歹勢講。但是這陣有這個機會，無人看--著，閣有規排的『草莓』在我捎(sa)，我應該把握.....

結果我人傷矮，手捎無，換用跤來勾，踢一下規个『草莓』煞爛甲滯(siûnn)滯滯，莫講想欲共伊勾--起來。

我真毋甘願，硬死欲捏我數(siau)念真久的『草莓』。我用石頭揲(kiat)、用柴仔枝副(khau)，我一个貼心的紅狗蟻.....毋著，是紅『草莓』，害我這個囡仔疔(phi)誠厚工。

啥人知影一下無張持，我煞規个人跋跋落去水溝仔底，摔一下有夠工夫。

這聲我緊張--矣，煞袂記得吼，因為這條水溝真正比我人較懸。若講著跔(peh)壁我是真內行，毋過這擺我連溝仔墘(kinn)都摸袂著，是欲按怎跔？偏偏真無拄好，石仔閣不止仔滑，大粒石頭又閣嘍(phok)了無夠出--來，無所在通倚—我這陣咧想，應該是囡仔人緊張必必掣(phih-phih-tshuah)，驚一下傷生狂，毋才雄雄袂靈巧(khiáu)—就按呢，我干焦會當目調金金看遐--的生做厚厚、黏著規个溝仔，有的閣佇遐滴湯、滯滯、粉紅仔色的『草莓』，賸--的就袂赴去關心--矣。

103 年度臺中市語文競賽分區賽閩南語朗讀文章(國小學生組)

編號 3 號

【氣象報導】王秀容

放學了後，阿球行轉去厝--裡，路--裡的色緻(sik-tī)嘛無全款--矣！電火柱頂的烏鶯(oo-tshiu)，一半烏，一半彩色，笑笑咧講：「阿球，阿球，共我救；阿球，阿球，誠優秀。」閣共阿球使一下仔目尾，若像咧共說(sueh)多謝，叫伊愛繼續拍拚。

轉去厝--裡的時，阿球驚個媽媽會煩惱伊的果子是對佗位來--的，驚伊去予人毒(thāu)--著，伊就共個媽媽講：「我用家己的四秀仔錢買一粒菝仔恰三葩葡萄，我想欲請恁食，多謝恁早起共我對馬桶內底救--出來。若無恁，我毋知欲予水沖(tshiàng)去佗位--咧？」

「乖！你誠有心！暗頓食煞，果子就交予你攢(tshuân)--喔！」

暗頓了後，逐家開電視看氣象報導，阿球共菝仔切做一周(tsiu)一周，排蹠砸(phiat)仔內底，閣共三葩葡萄按色緻的深恰淺排甲彎彎彎。伊揸(phâng)--出來的時，彼个愛看新聞的爸爸，彼个若冤仇人的姊姊，彼个像拍火隊長的媽媽，攏無啥相信阿球會遐勢，保證無代先鬥空--喔！逐家做伙喝講：「哇！彎彎彎，袂輸若虹(khīng)的草仔色恰紺(khóng)

色全款，攏足嬌--的！」

這時陣，阿球歹勢閣兼歡喜，伊感覺伊是世間上，上蓋幸福的人，若親像伊倚佇天頂七彩的虹頂懸，予人掛冠軍的獎牌，幔(mua)七彩的彩帶，正手閣比出勝利的手勢。雖然伊是厝--裡上細漢--的，定定共個揣麻煩，定定予個罵，毋過細漢因仔會當鬥做細項--的，有心做好毋免分大細層(tsân)，這擺，阿球真正歡喜甲佇客廳跳舞躉玲瓏。電視內底嬌嬌的記者—這擺阿球有影感覺誠嬌--喔！拄好咧報氣象。

「明仔載，出大日頭，無落雨的機會.....」

阿球雄雄喝一聲。

「哇！」

含(kâm)著笑聲，阿球閣大聲喝一聲。實在無人看會出，伊是咧歡喜啥，毋過逐家看伊的目神攏誠溫柔，無像早起的拍火樣，是若像佇山頂開講泡茶，心清幽仔清幽。

「哇！誠好，誠好，日頭出--來--矣！好天--矣！連雨霎仔嘛無--去--矣！明仔載袂烏陰天--矣！逐工攏袂烏陰天--矣！」

「無--nooh，無咧逐工好天--啦！心情有好天較重要。我逐工早起看新聞，就是驚天氣多變化，驚恁去予雨沃--著。」阿球個爸爸笑笑仔咧講。

103 年度臺中市語文競賽分區賽閩南語朗讀文章(國小學生組)

編號 4 號

【有月娘的暗暝，足好】王宗傑

我相信佇每一個人大漢的過程中，攏對月娘，有足好、足歡喜的感覺，雖然有人已經變成「大人」，離開彼種「若[看見](khuàinn)月娘，心肝就歡喜」的日子已經真遠、真遠；但是我相信：只要保持「囡仔心」，無論你蹠(tuà)庄跤、蹠都市，便若見著月娘，心肝頭自然會有一種歡喜，一種淡薄仔的歡喜。

我有聽過一條囡仔歌，歌詞按呢講：

月娘光光 照阮小小的窗仔門

月娘光光 照阮孤單的小眠床

月娘光光 照阮心內的小田園

月娘啊月娘 暗暝遮(tsiah)爾長

請你陪伴阮 恬恬(tiām-tiām)到天光

這(tse)聽起來只是一條囡仔歌爾爾，歌詞足簡單，予足濟「大人」聽--起來，可能會認為足幼稚，有臭奶呆味，是無實在的囡仔話。毋過，對囡仔的心靈來講，我感覺這是足實在、足有意義的一首歌詩，因為伊

講出所有囡仔人的心聲，伊用永遠的月娘安慰所有小小孤單的性命。

我想：佇大人統治的世界，阮囡仔人是永遠的弱者。囡仔佇學校所讀的一切，所行的路，攏是大人安排的；囡仔若是無照大人所定的規矩去做，就會予人講「無乖」。囡仔人佇「立法院」也無發言權，只有看見一堆「大人」，逐(ták)日蹠電視內底惡來惡去、冤家量債，這款大人敢(kám)有可能真正會替囡仔講話？這款大人統治的社會，敢有真正幫助阮囡仔人大漢的教育？阮做囡仔人，當然只有共所有的「疲勞」，投予天頂的月娘聽；天公伯仔嘛是叫月娘用伊的溫柔來安慰所有囡仔的心肝。

這款的歌，充滿對囡仔的疼，予阮感覺，有月娘的暗暝確實足好。

會記得有一冬八月十五，阮全家轉(tńg)去庄跤，恰阿公阿媽做伙過中秋節，一家人搬椅頭仔坐踎門口埕，食中秋餅，擘(peh)文旦，齧(khè/gè)甘蔗。涼風微微仔吹，蟲聲一陣一陣，月娘圓圓，星光閃爍(sih)。佇都市出世、大漢的我，心內雄雄有一種大歡喜，我偷偷仔想：這敢毋是上好的音樂廳？有上自然的冷氣，有上美妙的舞臺，有上好聽的演奏會，也有上好的燈光。

103 年度臺中市語文競賽分區賽閩南語朗讀文章(國小學生組)

編號 5 號

【金山老街來迺迺】邱文錫(sik)

你知影臺灣上蓋好額的庄頭佇佗位--無？土想嘛知，新北市的金山區--啦！因為伊名叫金山，當然是金銀滿四山，家家戶戶攏嘛是金厝頭，銀厝角，黃金白銀淹跤目。

可惜伊有金名，無金命，歷史記載按呢講，金山原本是平埔庄，伊的平埔名叫做「Kitapari」，後來的漢人入來倚家(khiā-ke)生活，就共伊叫做倚(uá)音的漢語名，就是「金包里」，這佢黃金白銀一點仔關係都(to)無。日本人來了後，將伊改名做「金山」，自按呢伊就佢黃金牽做表親。毋過這真奇怪，金山是倚海的平洋(iûnn)，無金也無山，敢講彼時的日本人想金仔想甲起痲(síau)，號這個名來自自我安慰？

金山雖然無出黃金，毋過有出真濟名產，上出名的就是鴨肉。咱來到金山舊街，鴨肉店有十外間，人講「濟戲濟人看」，人濟店就濟，有錢公家趁--嘛！臺灣各地的風景區攏嘛按呢！

唷！毋著--呢！逐間的菜盤攏是對外口捧(phâng)--入來的，原來這十外間店攏是全一个頭家，頭家生理好，閣稅十外間店面，攏是排椅

桌食飯爾爾，鴨肉料理是中央廚房供應，生理好甲這欸，莫怪金山鴨肉是一(tsit)名透京城。人講擗(giáh)竹篙蓋(kài)倒街，這位李老闆是用鴨肉蓋倒街，因為規街路來來去去的，攏是伊的鴨肉客。金山鴨肉猶有一項特色，就是人客家己點菜，家己去中央廚房揀菜，人客兼走桌，親像自助餐的方式。無法度--啦，生理太好，鴨肉太好食--咧！

鴨肉料理食煞，趁(sô)來到街尾廣安宮，這間廟有兩百外年的歷史，服侍(hók-sāi)開漳聖王。廟真嬌、真闊，有氣派，是民國七十年重(tíng)翻新的古廟。就是講廟殼是新的，內底的神尪(ang)神器是舊的。人講「先顧腹肚，才顧佛祖」，食飽--囉，應該入廟參拜，感謝伊兩百年來保庇本地平安，嘛感謝伊今仔日子咱有一頓腥臊(tshenn-tshau)通食。

顧腹肚佢佛祖了後，毋通袂記--得，金山猶有一項好寶，就是溫泉。伊有鐵泉、硫磺泉、碳(thuànn)酸泉，佢臺灣獨一無二的海底溫泉。這欸泉有海水的鹹味佢苦味，在地人自日本時代就捌(bat)寶，就有人做浸溫泉的生理。來到溫泉區，咱會當揣一間佢意的浴間仔好好享受溫泉的熱情佢健康。雖然講食飽肚重，毋過溫泉若浸煞，咱攏會精神百倍，腹肚又閣枵--起來，敢若會當閣食一盤鴨肉的欸。

103 年度臺中市語文競賽分區賽閩南語朗讀文章(國小學生組)

編號 6 號

【阿媽的菜園仔】曾裕樞(luî)

阮阿媽是一個慈愛閣骨力的序大人，平常時仔，伊定定去的所在就是伊的菜園仔，遐是伊希望的所在，遐是伊運動的所在，遐嘛是伊變魔術的所在。

阿媽的菜園仔無佻大，差不多一間教室大，有種茄仔、簽(hiam)薑仔、薤(ing)菜、白菜、菠薐仔(pue-lîng-á).....足濟種足濟種的菜。阿媽愛掘菜股、掖(iā)菜子、沃水、落肥、薙(khau)草，工課濟甲做攏袂煞。原本是一塊拋荒(pha-hng)的土地，經過阿媽的妙手佻拍拚，這馬已經變做一股一股的菜股--矣。掖落的菜子無佻久就發芽，沃水了後直直大穰，遐的菜相爭大穰，拚看啥人較勢(gâu)大，實在有夠趣味--的。

阿媽嘛有種菜瓜，伊買菜栽來種佇塗--裡，落粗糠佻雞屎肥，搭棚仔予伊旋藤，愈發愈長，愈發愈濟，閣來就開大大蕊黃色的花，蜂仔佻細隻蝶仔攏會來採花蜜。無佻久就生出菜瓜條仔，吊甲規棚仔攏是，對棚仔跔看過，大大細細的菜瓜，毋知有佻濟--呢？臭腥龜仔、草蟪仔、菜蟲嘛來鬥鬧熱，阿媽的菜園仔變甲像花園，對遠遠看過去，敢若一塊

彩色的花仔布，有青色的、黃色的、茄仔色的。我共阿媽講：「阿媽，你敢若咧變魔術--咧，手比比--咧，菜園仔就變出足濟無仝款的菜。」

阮躑(tuà)土城(Thôo-siânn)，歇睏日才轉去阿媽兜，我佻小弟上愛去菜園仔迺迺，逐(jiok)草蟪仔、掠金龜仔，耍甲毋知人，小弟會躑(tuà)菜股放尿，伊講：「欲共阿媽鬥沃肥。」阿媽會趕緊去提一寡水共放尿的所在沃沃--咧。阿媽講：「若無，會鹹鹹--死。唉！恁遮的因仔生雞卵--的無，放雞屎--的有--啦。」菜園仔的菜愈來愈嬌，愈來愈大穰，攏是阿媽愛心照顧的結果。

阮若欲轉去土城的時陣，阿媽會挽足濟菜予阮紮--轉來。阿媽講：「家己種的菜無農藥，食著較安心。」阮若食著阿媽種的菜，就想著會曉變魔術的阿媽，閣較感受著阿媽對阮的疼心佻愛心。

103 年度臺中市語文競賽分區賽閩南語朗讀文章(國小學生組)

編號 7 號

【一擺上懷念的家庭旅遊】熊(hîm)美德

自細漢就定聽人講「三月癘媽祖」，彼个時陣並無了解話中的意思，接觸鄉土教材，予我了解著台灣文化的嬉恰趣味。彼年的戶外教學，老師恁阮去參觀媽祖出巡的活動，有解說員詳細講解媽祖的來源，予阮知影媽祖是咱台灣人上重要的信仰(gióng)，因為伊聞聲救苦，無私奉獻，予人欽佩。毋過在地有人講：「媽祖蔭外地。」佇彼當時，我就定咧想是毋是有機會，會當去媽祖的故鄉，做進一步的了解恰認識。

爸爸媽媽是虔誠的媽祖信徒，彼个暑假爸爸、媽媽恰我綴宗教團體到對岸，順繼渡假。我也如願拜訪了媽祖的故鄉湄州。阮利用時間遊賞附近的好山好水好景緻，爸爸媽媽再三交代：咱來到國外，閣較愛顧著台灣人的「體面恰尊嚴」，注重國民的生活禮儀，講話愛輕聲細說，痰瀾毋通烏白呷，糞埽毋通烏白擲。我也真捌代誌，共爸爸媽媽講：「恁的教示我會記得，恁看！遮的草仔真古錐，袂使共伊跣踏(thún-tàh)；遮的花開甲遮爾嬉，愛予個繼續吐芳味。」爸爸媽媽聽了真安慰，呵咾我是一個乖巧的查某囡，欲離開風景區的時，爸爸閣講起：「咱毋管到佗一个所

在，塗跂干焦會當留跂印，心中愛留下美好的回憶，因為大自然是寶，是咱生活的倚靠，做好環保是你好、我好、逐家好的代誌。」

轉去到飯店，看著爸爸用電腦恰阿媽咧破豆，想袂到阮阿媽遮爾斃，綴會著時代、會曉拍電腦。爸爸講阿媽退休驚無聊，「食到老學到老」，所以足有耐心咧學電腦，後擺咱若轉去阿媽兜，恁就較有話題講。我也共爸爸媽媽講：「這是咱一家幸福的三代情，也是現代科技的文明，閣較是電腦的正面功能。」

「回憶上嬉，甜蜜相隨」，「讀萬卷書行萬里路，百聞不如一見」，雖然定聽人講：『上車睡覺，下車尿尿，回到家什麼都不知道。』時間過了真緊，一目瞞我也長大成人，這馬，我也是一個教育、文化的傳承者，彼擺的家庭旅遊，予我閣較體會著親情的可貴恰台灣文化的光輝著寓教於樂，佇旅遊中就會當教育。所以對我來講，這是一擺上有意義、上蓋予人懷念的家庭旅遊。

103 年度臺中市語文競賽分區賽閩南語朗讀文章(國小學生組)

編號 8 號

【運動的好處】吳永行

人講：活動、活動、愛活就愛動，真正一點仔都無毋著。阮阿公今年食到七十外，猶閣是「大箍健(kiānn)、勇身命」，「老骨冇(tīng) khong-khong，老皮袂過風」，逐工嘛「紅膏赤蠟(tshih)」。因為伊有咧運動，阿公伊愛跔(peh)山，透早雞未啼，狗未吠，天未光伊就去阮兜附近的牛罵頭山--矣。除非是風颭天落大雨，若無，阿公是毋捌無出門--的。準做寒流來的時，逐家攏覘佇棉襪被--裡，毋甘跔--起來，人伊已經跔甲山頂去--矣。轉來的時閣順繼紮阮規家伙仔的早頓，予阮食甲笑哈哈，佇阿公的身--上，阮看著運動的好處，所以阮兜的人攏真愛運動。運動有真濟款，無愛跔山的人會使拍球，走鏢、散步、跳舞。阮阿母上愛跳舞，阿爸雖然無興趣，毋過伊真愛看阿母跳，伊講阿母的姿勢真嬌，真好看。有一遍，阿母欲教阿爸跳「恰恰」，阿爸按怎教都教袂曉，阿母閣嫌伊跳舞足柴--的，有夠歹看--的，從此以後，阿爸甘願唱歌，伊嘛無愛閣落舞池。阿母因為愛跳舞，所以體格有夠讚--的，真濟親情朋友攏真欣羨(him-siān)伊會當娶阿母做牽手。阿兄愛泗水，我上愛拍籃球，阮兩兄弟仔的體格攏比阿爸、阿母較懸大，這嘛是運動的功勞--啦！

阿爸遺傳著阿公愛跔山的興趣，自細漢就定定恁(tshuā)阮全家去跔山，連玉山頂嘛有阮的跔跡。逐擺出去露營攏會予阮規家伙仔的感情閣較好，因為普通時佇厝--裡攏是各人睏各人的房間，干焦露營的時，規家大細𨔵(kheh)佇一頂布篷(phâng)內底，開講、講笑談、互相落氣求進步。

尤其是佇玉山露營彼暝，天星是遐爾仔近，天河(thian-hô)看甲清清清，雖然天氣是遐爾仔冷，規家伙仔的心是燒滾滾。閣有一遍佇阿里山露營，半暝仔拄著落大雨，布篷淹水，欲睏嘛無法度，逐家只好起來鬥挖排水溝，予阮後擺毋敢閣清彩揣營地，事前的規劃嘛一定愛詳細，按呢躑了嘛才會四序，耍了才會安全閣歡喜。

運動毋但會當予身體愈勇健，心胸愈開闊，閣會使交著真濟朋友，像阿母的跳舞伴，阿爸跔山露營熟似的朋友嘛愈來愈濟。逐家鬥陣分享經驗，有好迺迺的所在報予逐家知，這馬連阿母的舞伴，嘛會走來阮兜同齊去露營跔山--囉。

運動予阮兜的人充滿著活力佻歡喜，是阮兜快樂的源泉，嘛是健康的保證。俗語講：「好額毋值得會食，好命毋值得勇健。」人若欲勇健就一定愛運動，按呢才會康健食百二--啦！